

叢書集成續編 第一六九冊目錄

文學類



詩別集——明

青陽集四卷補遺一卷	明	張宜撰	江陰	一
靜居集四卷附錄一卷補遺一卷校勘記一卷校勘續記一卷	明	張羽撰	豫章	三九
尚綱齋集五卷	明	魏元曠撰	續金華	一四七
詠物詩一卷	明	胡思敬撰	武林往哲	一九五
眞眞曲一卷	明	瞿佑撰	香豔	二〇九
至正妓人行一卷	明	貝瓊撰	香豔	二二三
袁海叟詩集四卷補一卷	明	李禎撰	觀自得齋	二一七
虞山人詩三卷補遺一卷	明	袁凱撰	殷禮在斯	二七一
野古集三卷	明	虞堪撰	對樹書屋	三〇一
集古梅花詩二卷附錄一卷	明	龔詡撰	武林往哲	三三七
省愆集二卷	明	沈行撰	敬鄉樓	三六七
拘虛集五卷後集三卷詩談一卷	明	黃淮撰	四明	四〇一
石涼詩鈔十五卷附諸公詩一卷	明	陳沂撰	雲南	四五三
常評事集四卷	明	楊一清著	山右	六五五
直爰子詩集二卷附錄一卷	明	常倫撰	武林往哲	六七九
雪山詩選三卷	明	江暉撰	雲南	七二三
	明	木公恕撰		

金子有集一卷.....	明	金大車撰	金陵叢書	七三三
金子坤集一卷.....	明	金大輿撰	金陵叢書	七四七

wt 94/09

青

陽

集

卷之六
己仲江金
夏陰氏金
緒

序

余既刻孫大雅滄螺集因并刻張藻仲青陽集蓋二公同時人也滄螺集著錄四庫汲古閣嘗刻之青陽集四卷則未見刊本此四卷爲繆筱珊太史傳錄於夏冬保明經彥保亦留意鄉先輩遺著於亂後搜採而得者余於五百年後爲之刊行文字之顯晦固有時耶藻仲少負才名此皆其弱冠以前詩泊入翰林謫濠道卒其間當續有所作而竟無一存世僅傳其別父詩出世再當爲父子此心終不間幽明二句而已嗚呼古人如賈

青陽集

序

一

長沙王子安輩年少有盛名而卒之淪落不偶者多矣如藻仲者亦賈王之流亞特并其生平著述亦不能悉傳於後是則文人身後之厄可爲深悼痛惜者然此區區數卷之詩閱數百年猶有人鈔而傳之因得刊以行世則其精光寶氣固自有不可磨滅者在猶不幸中之幸也光緒十五年己丑夏六月邑後學金武祥

青陽集序

青陽集者江陰張藻仲氏所爲詩也藻仲以齠髻受業父師之前輒能詩敏且奇若有相者人多異之以東阿之幼稚比焉稍長通春秋習舉子業竟慨然曰科第之幸不幸命也其文則如此止耳因一志爲詩自前承平至於擾攘始終幾十年由江陰隨嚴君任桐鄉以至播越浙東西周旋二千里間凡感時觸事莫不形諸賦詠焉其所履有險夷也故見於詩者有和平焉有怪奇焉所遭有否泰也故發言命意或欣焉以休感焉以悲不同也蓋鬱於中者深則宣於言者長接於外者廣則應於內愈周而加熟焉古人所謂涉難而智明者於藻仲之詩亦可見矣方桐鄉盛時總管山居楊公以天子侍從出守而同姓鐵崖先生適去官寓是邦二公文采名天下得藻仲詩而嘉賞之一見皆收爲忘年不以諸生視也由是藻仲益厲而其詩益工其名亦頗章章焉歲戊戌越難作葵亦遘陷子與藻仲淪胥其間不謀而同咸竄身至常熟謁覲相見悲喜相唁已則告桓曰某無似獨於詩爲勤嘔心之作自前至今何啻數百首比皆

青陽集

序

一

燼於兵不存其所嘗爲兩楊公贈炙而稱可者尙能記
憶數十百篇雖年少不敢自謂已至抑嘗聞人窮則工
於詩以某之所涉歷可謂窮矣窮則宜工不自知其爲
何如爲子誦之桓惟古詩旣亡六義無聞焉然觀後世
之所謂詩則亦不離乎六義也顧時代有不同風氣有
剛柔詩亦迎時而變遷耳蓋自曹魏迄唐百變其體皆
自爲韻門名家得乎此必遺乎彼長於詞或短於理工
古淡者不能麗志蕩佚者失之淫迨至李杜而後爲無
憾也李杜之於詩猶化工運神人力不易及也自餘先
後不一其體苟有投之所向輒得其理趣音節者兼眾
長而能之是謂集後詩人之成者也世當有其人不得
見之無已藻仲亦庶幾乎雖然藻仲自謂窮而後工特
今日耳天其或者使吾子達焉則將造其所未至工其
所未工必不肯畫也桓且有待奏治世之音於異時尙
當傾耳而聽極口而誦未晚也集載詩凡若干首青陽
其舊廬讀書所也因以字集亦以自號云藻仲名宣今
年庚子纔冠於戲仲亦可畏哉友人朱桓序

江陰縣志鄉賢傳

張宣端之子字藻仲讀書過目不忘十歲能詩文旣長
益肆力於學楊山居鐵崖二公文采名天下得其詩大
嘉賞一見爲忘年交洪武初徵授翰林院編修深被知
遇明祖呼爲小秀才知其尙未有室特命歸娶宋濂爲
序送之後謫濠道卒所著有春秋胡氏傳標註五經標
題青陽集皆未及行行者惟四書點本畱刻郡庠其奏
秋胡氏傳標註鄱陽周伯琦爲序謂其潛心研采羽翼
文定之學云

附錄

張編修宣字藻仲初名瑄江陰人父端字希尹博學好修鄉人稱溝南先生仕爲海鹽州判官宣少負才名洪武初以考禮被徵尋入史局與修元史上親書其名召至殿庭卽日擢翰林院編修常呼爲張家小秀才奉詔歸娶年已三十矣六年謫濠道卒臨終以詩辭父曰出世再當爲父子此心終不間幽明聞者悲之

列朝詩集小傳

青陽集

附錄

一

紫簫吹月夜乘鸞是也乃謫濠道卒以詩辭其父溝南先生端云出世再當爲父子此心終不間幽明誦之使人心惻

靜志居詩話

藻仲原名瑄後改名宣見唐肅所爲更名記七歲能詩書遭元末隨其父東西避難具見所爲詩中著春秋胡傳標註周伯琦爲之序尤工書饒介有跋其小楷道德經周伯琦有跋其急就章高季迪有草書歌贈藻仲云看君把筆若把槩長綃一拂悲風生自言靜裏觀萬物故能變化窮其情倪雲林亦有贈詩云張君好古生最

晚新詩往往落人間闔閭城西僦屋小書裙牕裏看雲問一時名流傾倒蓋其弱冠時也洪武初以翰林編修召請假歸娶詹同魏觀皆有贈詩爲當時美談假滿入直倉卒途次或謂明祖基之懼而自裁云其書絕不多見僅見玉虹帖中青陽集尤希有予幸得藏本晉堂能并刻之則惠桑梓功尤偉也

養一齋文集

青陽集

附錄

二

青陽集目次

栗香室叢書

明 江陰 張 宣 藻仲

卷一

鵲軒辭 禹節婦詩 義烏行 哀李將軍 桐

廬道中二首 釣臺 移刺院判席上 題洪氏

聽泉樓 戊戌元旦次韻楊鐵崖先生 簡楊太

守元誠 分水縣 遊壽昌縣南巖洞 靈鰻井

山雨樓爲徐孟岳賦 次韻蘇西澗聽琴 寄

鄧思義參軍 陪周公左丞春遊次韻 九日登

青陽集 目錄

臥龍山得上字 次日遊陽明洞天得東字 哀

七美人 壽玉清宮道士 試陸穎筆 次韻周

履道言志 悼庭雀 詠雨 詠雪效何遜 送

僧道傳 送楊伯川都事之武林 長亭柳 顧

伯善判官竹亭小集 吳江水西寺次克善韻

長洲春雨 送白以中參謀之淮西 九日偕張

思廉楊孟載徐孟岳三君子登虎邱 贈陸眞士

禱雨有應 詠梅次韻

卷二

送楊仲昭都帥兼守湖州二十韻 題蕭山縣尹

尹本中吳越兩山亭卷 癸卯上巳日侍家君暨

履道季迪二公遊虎邱聯句 和季迪擊筑吟

用韻寄沈仲說 和尚仲賓君子堂 送僧遊松

江 送周履道入越 用蒼巖憲使韻贈王眞人

答方崖上人所寄 寄朱仲威編修 感鄰婦

周克復澹泊軒 泊水西次韻簡仲銘禪師

寄謝雪坡參政 答倪雲林見貽 答陳伯昂都

事 秋日登白塔二首 吳江夜泊 石夷門待

青陽集 目錄

雪坡不至 再用韻 武林客舍喜逢鄧思義參

軍 訪張子宜 用謝雪坡首句送胡季城之官

陽朔 納涼次朱帥君韻 贈銅臺李壯士 止

詩一首 送余左司從軍婁江 至正甲辰夏五

宣與何君彥恭袁君魯瞻張君景玉戰君傳恭凌

君彥翀張君叔方郁君以文諸進士訪冷君起敬

如此江山亭適君訪友城南明日彥恭傳恭與予

偕往起敬款至亭下援琴作三五弄俾予詠歌之

因賦長句一首并寄諸公 和傳恭山長韻 題

如此江山亭 盛子昭春溪漁意圖 爲周塏生

畫小景 關山雨雪圖 送張叔方之會閣 食

橘與唐肅處敬聯句 題趙魏公畫馬贈張伯宏

之錢清鹽司令 送馬仲良司丞十韻 送遂子

敬宣使還武林 爲謝伯理同知題畫 林屋館

畱題

卷三

雜詩二首 呈楊山居總管 梁絲行 丹崖有

長松 送章東原北遊 擣衣篇 趙景明詠少

陵李白一斗詩百篇句飲子過醉戲成五言 謝

張雲門惠墨竹歌 錫山道中 春詞 贈數學

陳通巖人吳 聞笛 送洪士賢還鳴鶴山 送

芑上人 題王冕畫梅二首 贈醫士羅誠之

題明妃上馬圖 讀張貞居詩 爲鄉友題畫

送何伯大入京 贈相士 雙蓮卷爲沈秋淵題

題潘以仁城南小隱 六月 賦蟾蜍水滴

逢炬上人 題淵明歸去來圖 掬清亭爲謝伯

理賦 寄唐處敬 送邱宗岱之嘉禾兼簡本中

青陽集 目錄

二

縣尹 題周履道畫扇 嚴氏五老圖歌 宿穹

隆寺次韻王梧溪 題沈秋淵小瀛洲 題錢叔

昂美大圖 訪渭清遠先一日還道場山 過沈

仲瞻 送僧之富春 劉庸道提學別去十年慈

谿得所寄詩爲子父子感懷述舊次韻叙答兼懷

唐丹厓云 次韻答倪雲林 三先生輓詩 蘇

編修昌齡 鄭廣文明德 成處士居竹 題墨

梅 答彥麟雨中見懷 胡宗器復印歌 寄柳

仲修 爲吳可大題畫 獨立 送張德常之官

青陽集

目錄

四

賦鶴亭

卷四

遊四明山 吳江禪菴次壁間韻 題焦任道繡

毬白鵬 爲復見心題豫章山房 題蒲菴 送

許穆從遊孫江濱 種茄次韻劉庸道 登秦住

山寄學仙者 寄楊彥常提學 嘲倪雲林 孫

原理徵畫雲山因題 慈谿清道觀次韻楊彥常

提學 詠盤竹得涼字 寄祚上人 題紅梅

題趙仲穆挾彈圖 問訊郁長老 贈鐵筆屠宗

哲 題溪山雪霽圖 怪石 贈解上人 與慈
 邑諸公會衙茅甫生駐鶴樓以山中一夜雨樹杪
 百重泉爲韻得夜字 送張子溥通判 宿潤上
 八山房 溪上 北禪寺次韻 畱五磊山中聞
 吳主一都事來慈溪風雨不果往見詩以寄情
 黃筌古木鷓鴣爲王子昭賦 爲舟上人題聽松
 樓 喜雨美吳知州 題艾宣蘆雁圖 題孫彥
 和映雪齋 喜李楚材至自嚴陵 醉簡楚材
 題許士雍紫翠丹房 簡惠子及 次韻太湖觀
 兵 過孫原直 寄沈仲瞻二首 過壽蒼山禪
 菴 送芭元實住定水 馬沙口號 送呂伯庸
 之吳興 和劉小齋述懷二畫梧石 十四韻
 偶題 野步簡章景序 送鄭希本還 徽州
 溪上偶興 林西玉血書華嚴經報母

青陽集卷一

張香室叢書

明 江陰 張 宣 藻仲

鵲軒辭

金華王良佐性至孝母方氏誕良佐時羣鵲飛
鳴庭下移日不止每至誕辰輒翔集母歿鵲去
良佐思其母於無窮名其軒曰鵲士君子感鳥
傷之義咸爲之賦張宣述以爲辭

鵲之飛今疆疆鵲之占今不否以臧彼君子兮家之慶
羣呼在庭兮歲以爲常鵲不聞聲兮母也則亡兒飢母
青陽集 卷一

哺兮兒寒母裳撫我腹我今日壯而強母不我見兮我
心則傷母不見兮奈何候靈鵲兮來不來鵲其軒兮愛
託我私嗟軒之人兮永言孝思

禹節婦詩

會稽婦禹氏適同郡吳執中樵李之亂婦與吳
及幼女逃難倉卒失所向兵至將污之婦曰吾
與其失節而生孰若守節而死遂死賊刃下予
讀王偉所作傳因賦禹節婦詩

女失夫何在間關走亂離幾人生幸免獨爾節無虧刻

水清風領虞江黃絹辭古今貞孝事撫卷一增悲

義鳥行

庭前最高樹有鳥巢其顛一鳥中矢歸哀鳴何翾翾雖
無主人顧側翅幸見憐羣鳥咸繞之救援相後先眾口
力下上脫彼箭括堅陰風爲之慘白日沈雲烟啞啞庭
樹閒委命猶得全物情有如此世誼胡不然

哀李將軍

將軍名士龍木汴人父爲江陰軍吏因家焉少
尙氣有膂力比壯於武藝無不精讀書知大義

青陽集

卷一

二

以先鋒從中書丞相脫脫南征累官徽州判官
既同知睦州兼義兵都元帥居移刺院判麾下
撫農閱兵民賴以安長鎗氏掠地至睦聲言浙
省丞相師諸將解體移刺公曰吾豈丞相敵哉
潛師退士龍謀知其詐率所部由烏龍山督戰
獲首將破其軍有以敵號遺士龍者士龍斬以
徇至錦沙泉知勢不可爲取所挾槩植地飲藥
仰誓曰吾報主盡矣勿令敵所吾頭遂倚馬瞠
目而逝時至正丁酉十月十四日也士龍幼與

宣同師里中井西程先生宣以兄事之死之日
纔二十有五獨井西弟行可與宣二人哭於睦

州辭曰

盤梁烏龍敵將擒解鞍白馬矢痕侵江山漫漶新亭淚
天地空懸卽墨心仰藥自甘酬萬死斫頭誰許購千金
錦沙泉上新封樹落日蕭蕭起暮陰

桐廬道中

自在眠沙鳥參差上瀨船亂峯寒笛外疏雨暮鐘前灘
轉疑無路林深別有天羊裘懷隱者高節已千年

青陽集

卷一

七

其二

晚飯富春山晨舟大浪灘境殊時借問林好復回看白
鳥屏閒小青天鏡裏寒乾坤眞設險吾輩敢偷安

釣臺

寂寂寒祠酒一盃斷碑不厭讀千迴漢陵今日無坏土
江水從前有釣臺周黨自陳終所志王良人已怪頻來
夕陽千古登臨意面面青山帶劫灰

移刺院判席上

紫樞新換將軍閫綺晏張高節使家簾隔繡香絲在萬

座移樹影玉交加御壺遠降傳金露烟墨初乾草白麻
只待平淮功業了馬蹄催覲築隄沙

題洪氏聽泉樓

萬山樓閣翠岩堯最愛幽居景物饒雲起石巖青過雨
月當林樹白生潮時聞鶴駕鵲翎瓊佩尙憶匏尊載玉簫
著我栖遲塵土客未由洗耳作咸韶

戊戌元旦次韻楊鐵崖先生

夜半元交子先庚月建寅積陰初見日萬象盡知春龍
仗瞻青鶴鸞旂護紫宸江山頻劫火天地幾風塵歲歷

青陽集

卷一

四

頌三正春盤薦五辛羹分甘露輭酒瀉紫霞醺良戶驅
餘孽乾宮夢耗神寬書來漢主恩澤及齊民已報裴平
蔡何妨袞入閭三公尊賜輦八使重埋輪廟算歸良將
中興仗老臣陋儒何以頌欲效華封人

簡楊太守元誠

榻前親灑山居翰賜與高懸百尺樓烟水光中雙鳳下
林樾影裏五雲浮扁舟擬共漁樵話剖竹行分社稷憂
此地夙聞瀟灑郡范公遺愛得楊侯

分水縣

落日消安道悲風分水關
見人渾似鬼行路不離山
古戍緣雲上殘潮背郭還
蒼茫水閣依舊白鷗閒

遊壽昌縣南巖洞

巖洞來遊卽是仙
樊間混沌定何年
千人石在芝應化
太乙泉香夢亦予
絕頂下穿山上日
舉頭仰見水中天
問渠借取龍潭水
淨洗平生濁垢緣

靈鰻井

靈根鑿破海潮寒
知有蜿蜒此處蟠
不解隨龍天上去
山人強喚作靈鰻

清陽集

卷一

五

山雨樓爲徐孟岳賦

山雨樓居山到門
山人聽雨足晨昏
根盤百里羣龍臥
勢落三江萬馬奔
王謝風流今尙在
君臣大會跡空存
披圖頓覺衣裳溼
敢擬新詩似許渾

次韻蘇西澗聽琴

羣仙燕集白玉堂
九霄環佩聲微茫
中有一人雲霓裳
龍門之桐手所將
金徽拂拭鏘琳琅
琅琅坐令聽者俱徜徉
一鼓天地爲低昂
再鼓日月回晶光
漢水淩漫包湖湘
青泥八百縈羊腸
三十六峯澹蒼蒼
博山溫火存古香

六龍回斡化日長
羲黃周孔儼在旁
直造太古窺鴻荒
秋風小弄轉素商
械敗葉鳴枯桑
世人耳濯絲與簧
未識丹鳳鳴朝陽
推琴神思隨飄揚
恍如扁舟詠滄浪
皎皎亮月生東方
不知身在蠻荆鄉

寄鄧思義參軍時在廣西

風塵擾攘干戈際
兩地俱爲淪落人
夢見亦憐風度好
書來翻遣別愁新
桃柳葉暗變溪雨
荔子花濃海嶠春
壯志幾回思奮迅
出門誰慰白頭親

陪周伯溫左丞春遊次韻

清陽集

卷一

六

官河流水又春波
流盡興亡事幾多
忍見義熙書甲子
已聞聖德頌元和
數莖白髮非關染
一寸丹心未肯磨
寂寞館娃宮畔月
當時曾照美人歌

九日登臥龍山得上字

以杜牧之與客攜壺上翠微
句爲韻會凡七人
會稽徐孟岳扶風馬本勁
膠東戰傳恭東安唐
處敬山西劉庸道及子家君
而宣在侍焉

栖栖困樊籠
汨汨嬰世網
視聽繁煩襟
登臨愜心賞
覽茲新節序
集此故儔黨
越王古城郭
卧龍山偃仰
攀確

層級躋坡陀小亭上長江浩東歎飄風颯西愴霜露亦
已滋歲月遂云往弔古餘鼻酸撫今放懷飲餐英制弱
齡岸幘入遐想徜徉竟忘疲攬抱還致爽安得更不歸
逍遙了宵壤

次日遊陽明洞天得東字

會如前人以太白廬山東南五老峯爲韻

攀蘿翠壁散幽蹤來訪人間玉蕊宮金簡有書藏禹穴
丹砂無路問仙翁龍歸石洞芝田涇鶴舞瑤臺蕙帳空
衣上歸來初月也銀盤斜掛五雲東

青陽集

卷一

七

哀七美人

哀七美人者采秦漢而下美人所可哀者以賦
也總之曰哀而有美焉有刺焉所哀者七人而
哀之之目有五焉一日哀其賢而失寵不怨不
怒知以貞靜自守者漢成帝婕妤班也二日哀
其忠於所事能以死殉者項羽妾虞石季倫妓
梁也三日哀其無辜見虐死於淫刑者趙王母
戚也四日哀其失身異域終不忘君者匈奴閼
支王嬌也五日哀其實而無德死不以良者陳

後主妃麗華唐元宗妃玉環也合而論之美莫

美於班而刺莫刺於玉環故以之始終焉託風

人之詞而寓善惡之實亦將以爲後鑒焉爾是

作也予與處敬唐君倡之而一時善鳴者莫不

屬和蓋有得於錦囊香奩之體者予既哀爲卷

仍爲引之如此云

鸞車停輪呼國色妾知君恩恩莫極春宮燕子尾涎涎

飛向金闕唾瑤席妾身不如團扇羅南風苦少西風多

空教長信宮中月夜夜照人雙翠蛾

班姬

青陽集

卷一

八

楚歌四面秋聲起美人如花帳中死重瞳將軍蓋世雄

淚流暗逐烏江水妾身妾身賤如土八千健兒何足數

空畱恨血漬平原碧草無風爲誰舞

虞姬

齊奴愛妾如愛花瓊樓十二神仙家時時吹笛學鶯語

珠簾翠幙停秋霞珊瑚聲中步帳冷一旦花飛不留影

錦雲壓倒玉丁東金谷無人呼夢醒

綠珠

未央宮深天賜龍手上嬌兒赤龍種商於老仙歌紫芝

羽翼那爲黃鵠重宮中野雞啄人肉香魂一夜團中哭

恨身不作朱虛侯明日五王須赤族

戚姬

御手爲瑟翻手琵琶馬上風裂宮中衣玉關將軍兵百萬
恨君枉殺丹青師窮廬夢斷胡笳曲淚眼朦朧漢宮燭
荒邱遺恨草離離猶帶千年土花綠

王嫺

步蓮香塵臨春閣玉樹歌殘金絡索韓家老虎太生猶
一夜庭花如雨落妾身好似君身重雙魂恨裂銀牀凍
不知秋雨洗燕支多情猶入迷樓夢

麗華

銀盆偷浴金蝦蟆狂狂野鹿銜宮花溫泉春透紅玉暖
沈香小亭飛燕斜姮娥舞罷秋風起延秋門西月千里
素絲無情錦鞵寒不恨將軍恨天子

玉環

青陽集

卷一

九

壽玉清宮道士

聞說玉清宮初陽第一峯仙翁留異跡太史與鄰封山
楮移棲鶴窗虛起畫龍道人來海上初度日相逢

試陸穎筆

李相焚書日蒙恬拔頰時人文在天上顯晦一如茲

次韻周履道言志

伐檀以爲輻輳諸河之涓我生宛如彼何由適時宜袖
中五色線可補舜裳衣懷哉既有日出矣豈無時君子
有德音足以療我飢相期勉素志先哲庶可希寄語夸

毗者營營竟奚爲

悼庭雀

翩翩雙飛鳥集我庭樹枝好音日相和菑稷有容儀相
親相近意此樂詎可支狸奴卧花陰馴擾兩忘爲云胡
潛禍心乘間乃攫之腦碎身即斃羽毛血離披孤雛念
其雄喃喃有餘悲人生適意處禍患每倚隨悽然此時
情爲廢闕睢詩

詠雨

邊風吹朔雨蕭灑海門秋途旅倦夙駕思歸念征裘帛

青陽集

卷一

十

繁林胡翼情紆夢澤舟楚客應愁賦巫雲正滿邱

詠雪效何遜

高齋集微霰朔氣回陽春引領望城邑樓觀多含珍盈
盈車馬喧逐逐行路塵未暇陵歌扇何慙施粉人詠梅
馳藻思擬絮屬芳辰終期永清夜挾纒懷重茵

送僧道傳

孤舟碧溪雨杖錫白雲秋說法憐支遁能詩憶貫休佛
燈懸楊柳梵唄出林幽他日相逢地禪衣或見留

送楊伯川都事之武林

一樽別酒吳城外南北高峯望眼中勛業此時須汗馬
文章何事漫雕蟲河陽幕府賓溫造相國華堂舍蓋公
碩畫有人能決勝將軍不患不平戎

長亭柳

莫折長亭楊柳條柳條折盡別魂銷畱得青絲千百尺
春風長繫木蘭橈

顧伯善判官竹亭小集得閤字

園亭構深迴車馬謝塵雜種竹滿秋聲炎蒸變扇風以
茲曹謝流下陳徐榻醉眠石苔冷坐惜桐陰匝靜勝

青陽集

卷一

二

境逾清情真道彌合青山夕嵐遠碧樹烟景闔明日挾
勝具惟當候鈴閣

吳江水西寺次克善韻

水西藏古刹依約見遙岑爽氣來朝雨涼雲下午陰靜
參元妙理默契有無心不與郎官共甯知草木深

長洲春雨

東風漲新綠初雨斷復鳴細淹花粉墮斜暈水紋生臺
琴不成弄廊屨俱有聲朝親思無那白馬烟江明

送白以中參謀之淮西

步出閭闔門飲別上河梁河水日夜流草木春載陽鼓
橐清江濱言至淮楚鄉談兵坐玉帳擊劍歌慨慷廣澤
蔽荏葦四顧何茫茫蒸藜無定居城郭盡荒涼髀體積
成邱悲風愁白楊豈知耕稼地盡是征戰場向來互吞
噬亦各爲封疆男兒蓬弧舉有志在四方尙念攜手好
悽惻情內傷一言卻秦軍千古有耿光

九日偕張思廉楊孟載徐孟岳三君子登虎邱

招提憑崇岡石壁根空虛躋攀陟層巔歷覽壞劫餘清
商振窮吳爽氣橫平蕪雲消初旭吐木落遙峯孤幽潭

青陽集

卷一

三

積水壘修綆斷轆轤初光欲飛騰神物相有無金精幻
龍虎寒灰沈雁鳬空令弔古人解笑英雄愚況茲良辰
及感我芳情紆戲馬未足樂采菊良以娛不墮參軍轡
甯收方士萸長揖當塗者來與山林俱

贈陸眞士禱雨有應

高田飛埃下蒼耳饑腸吼牛人泣鬼熱雲蟲蟲張半空
泥蟠老龍鞭不起赤腳道士方瞳子綠章叩天攝天尾
豐隆躍靈隨叱指天公遣遺三尺水溥爲含靈作歡喜
道士吾知天人爾